



# دليل المهيددين

يتضمن تجارب مجموعة من الطلبة المهيددين في  
السادس الإعدادي.

# 2023

إعداد سالم آل منصور

شبكة نيوتن التعليمية f

شبكة نيوتن التعليمية



هاى  
طاقتك

ما راح تجيب  
معدل أعلى!

ما تدبرها  
ههه

فاشل!



## المقدمة

### نصحتي للطلاب المعيدين ...

#### • نفسياً :-

منهت بالكلام والقال والقليل قطعاً .. لأنه مراح تخلصون من هيج كلام سلبي ابد كل السنة لا من الأهل ولا الاصدقاء ولا الأقارب ولا المحيط.

ف من واحد يكوئك هو أنت اول سنة شسويت ! هو انت المواد مقلصة ومدبرتها ! هو أنت هذا مستواك ! و هذا الخريط التافه ، شتسوي ؟ كوللهم اي او كي مستقبلي حربي أنت شنو ؟ لنفسي و اتحمل هالشي ، لو تنفع بالكلام لو السكوت من ذهب وعديهم.

#### • دراسياً :-

مصادرك | تثبت على مصادرك مال اول سنة إلا إللي بيهم نقص او ممقتنع بيهم تكدر تغيرهم و هالنقطة كلش مهمة وشكد تكدر اثبت على مصادرك افضل سواء ملازم او أساتذة إلا إذا بيهم قصور.

درسك | انصحك تتجه بهاي الفترة للمواضيع اللي كانت العام متروكة واكعد اقراهم و ادرسهم ومن يصير الدوام اكعد ضبطها للمادة.

#### • ختاماً :-

إذا شخصت أخطاء اول سنة وقررت انك متخطأ بيهم مرة الخ و تمشي صح صدكني حتطلع بنتيجة ممتازة جداً.  
ولا تهتم للقال والقليل ♥

بالتوفيق دادا...

**الاسم : بتول بشير صبري**

**المعدل قبل الإعادة : 72.2**

**المعدل بعد الإعادة : 86.29**



### 1 ليش قررت تعيد و تعيش أجواء السادس مرة ثانية ؟

ما حسيت هذا المعدل الاستحقة وعندي قدرة اجيب اكثر واكيد حلمي هم جان بعيد كلش عن هالمعدل ف مافرحت للصراحة واول مطلعت نتيجة قررت اعيد.

### 2 شنو هي الأسباب الي بسببها عدته للسادس ( الأخطاء ) ؟

تركت افصل كل يوم اجلها لباجر الي ان اجه وقت مراجعة وجانت لاول مرة اقرة الفصل وبيوم الامتحان صار صعب كلش عليه و استمراري على مدرسين ما افهم عليهم بس لان جانو مشهورين + ما جنت امتحن نفسي ابدأ (جنت انتساب ومامسجلة خصوصي فقط يوتيوب ف كل اعتمادي على نفسي).

### 3 صححتها لهاي الأسباب و الأخطاء لهن عدت ؟

أكيد.

### 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

بصراحة كلام مؤذي وجارح لان اني مريضة ف جانو يكللولي هو هذا اكثر شي تكدرين عليه قابل شراح تجيبين بعد بس جنت اتخطاه واذا كر رب العالمين حيعوضني بالاحسن والحمدلله صدك عوضني صح مو هو معدل الردته بس الف الحمدلله ♥

### 5 شنو نصيحتك للطالب الي حيعيد أو هو معيد ؟

إذا جنت ح تعيد ف فكر بسلبيات الموضوع قبل ايجابيات لان هو تعب نفسي قبل ما يكون جسدي.

### 6 هل تتصح بشبكة نيوتن التعليمية ؟

أكيدددد لو ما فضل الله وشبكة نيوتن مستحيل اوصل للي وصلت اليه.

الاسم : زينب علي طارق

المعدل قبل الإعادة : 78

المعدل بعد الإعادة : 100.4



## 1 ليش قررت تعيد و تعيش أجواء السادس مرة ثانية ؟

ما عدت علمود تخصص معين بس شفت المعدل ما يمثل مستواي وتعبي ولا احلامي وكان افضل خيار اخذته الحمد لله .

## 2 شنو هي الأسباب الي بسببها عدته للسادس ( الأخطاء ) ؟

بالفترة الي جنت اروح بيها معهد جانت اموري تمام ودرجاتي اقل شي جبت ٨٥ كله تسعينات وطبعا الكل يعرف بسنة 2021 مجان اكو مدارس فالاعتماد اكثره جان عالمعهد فأخطائي كلها كانت بفترة المراجعة بالبداية دخلت بحماس بس ورا شهر تقريبا صرت انا طول اليوم واذا كعدت متأخرة استسلم يعني حتى الوقت الي يبقالي ما اقرة بيه و هذا الشي كلش غلط حتى لو كعدتوا متأخرين لا تكتولون خلاص اليوم تكتسل لا اقروا بالوقت الباقي لأن اليوم طويل ... وشوي شوي صارتلي حالة اكتئاب وعفت كلشي وضليت انا طول اليوم و مجنت اسولف لاحد حته يساعدني لحد ما اجت الامتحانات واني على نفس وضعي بحيث اجلت اول امتحان الي هوة العربي لأن جنت لا مراجعته ولا قاريته.

## 3 صححتها لهاي الأسباب و الأخطاء لهن عدت ؟

اكيد بالسنة الثانية بديت بداية جديدة واخذت وعد على نفسي انه ما استسلم ... وتعرفت على قناة نيوتن لأن جنت اسمع صديقاتي بالسنة الاولى هواي يكتولون اسم سالم و انو شلون يصحي ضميرهم حتى لو رادوا يسختون 😊 وبديت احاول اسوي عكس الاشياء الي سويتها العام يعني احافظ على وتيرة معينة بدال ما ادخل بكل قوتي بعدين اخمل ... لا بديت اعود نفسي على وتيرة معينة و حتى لو صادف يوم كعدت متأخرة او صار ظرف أقرا بالوقت الباقي حتى لو كان ساعة وجنت دائما اقول القليل المستمر افضل من الكثير المتقطع المهم ما استسلم يعني كلمة استسلام ما خليتها بقاموسي، وكلما تجيني افكار سلبية اكعد اسمع بصمات سالم وحتى بفترة الامتحانات جنت لمن ارجع من كل امتحان افتح القناة حتى احصل طاقة حلوة للامتحان الورااه ♥.



#### 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

طبعا اكيد الفكرة المعتادة انو اي واحد يعيد يطلع معدل اقل و ما عرف منين جايبين هاي الفكرة مع انو نص الي يعيدون يطلعون نتيجة افضل بس بصورة عامة اهلي ساندوني بوقتها الحمد لله ... + لمن تكون واثق بنفسك و بررب العالمين مستحيل اي شخص ممكن يآثر عليك خلوتكم مذكرة او دفتر و أي افكار تجي كتبوها راح يجي وقت تحتاجون ترجعون لذاتكم وتتذكرون شكل انتو واثقين بنفسكم وبتعبكم وراح تتخطون اي افكار سلبية بإذن الله.

#### 5 شنو نصيحتك للطلاب الي جيعيد أو هو معيد ؟

لا تهتم لرأي اي احد لان محد يعرفك اكثر من نفسك، عاهد نفسك على عدم الاستسلام وتذكر انه ان تصل متأخراً لحلمك افضل من أن لا تصل + اهم شي خلي اغلب علاقتك ويا الله لا تهمل الدعاء ابداً.

#### 6 هل تتصح بشبكة نيوتن التعليمية ؟

اكيد لان ما شفت صاحب قناة او بوت يهتم بالطلاب ويضحي بوقته و طاقته علمودهم بكد سالم حرفيا راح تحسون اكو سند و شخص يفكر بكم طول الوقت صراحة احيانا جنت احسه يفكر بمستقبلي اكثر مني ☺ باختصار افضل شبكة ممكن ترافقكم برحلة السادس منهجياً ومعنوياً هي نيوتن ♥.

YOU CAN  
DO IT

**الاسم : زهراء حيدر عدنان**

**أول سنة أمتحنت بس مادتين**

**المعدل بعد الإعادة : 98.29**



### 1 ليش قررت تعيد و تعيش أجواء السادس مرة ثانية ؟

لأن اول سنة بديتها غلط وما انطيتها حقها فجنت اريد بس نجاح بعدين تنبته وعرفت ظلمت نفسي ب هيج درجات وقررت اعيد ببداية صح.

### 2 شنو هي الأسباب الي بسببها عدته للسادس ( الأخطاء ) ؟

سويت انتساب و اني مداخلة خصوصي او عندي نت مستمر و اكبر الاغلاط هاي و التهيت باشياء سخيفة و محد جان يگلي هذا غلط... بالنسبة للمجتمع العايشة بيه جان مليون ناس تسخت ف اي.

### 3 صححتها لهاي الأسباب و الأخطاء لهن عدت ؟

شي اكيد و داومت بدون غياب وبالتحضير مستمرة حتى مضيع حق اي مادة و طبعا كلش مهمة شغلة التحضير اليومي اذا الطالب مداخل خصوصي حتى متراكم المادة.

### 4 شنو الكلام السلبي الي سمعتو لهن قررت تعيد أو لأنك تعيد ؟ و شلون تخطيتو ؟

اطلعي من اول سنة الثانية صعبة، متدرين اذا يرجعون حذف المناهج كاملة او لا، اللي يعيد سنة يعيد الثانية و الثالثة و يظل عايش هيج، متدبريها بدون مدرسين، تاخذين الشهادة منا تكعدين منا ... الخ + تخطيتها بدعم اهلي و الناس المقربين ، اول ايام تكره الحياة وراها تتبدي تسترجع نشاطك و طاقتك ... هم اعتبرت نفسي نجحت من الخامس للسادس مو عايده ف صارلي حافز اكمل بدون توقف.

### 5 شنو نصيحتك للطالب الي جيعيد أو هو تعيد ؟

لتهتمون لأي احد يگوولكم السنة الثانية متگدرون الها و ينزل معدلكم حتى لو اهلكم لان انتوا اعرف بمستواكم و اكيد مضيع تعبكم مدام تحاولون بكل جهد + دير بالكم من الوقت الزايد ع الانترنت و مواقع التواصل لان حتضيع وقتكم كله بدون متحسون و كل دقيقة تستغلها هسه تشوف فائدتها بعدين ... وشي اخير انو مو شرط الطالب يراجع مرتين او 3 و اكثر، راجعت مرة وحدة و ما كملتها حتى فهل الموضوع مو صحيح مالت لازم اكثر من مرة و طبعا سالم هو اللي عرفنا هل شي غلط بفترة المراجعة ☆☆.



## 6 هل تتصح بشبكة نيوتن التعليمية ؟

شي اكيد المرجع الاول و الاخير و الاخبار الموثوقة هنا بس سووا تابعوهم باستمرار و مراح تضيعون .

الأسم : زينب محمد

المعدل قبل الإعادة : 89

المعدل بعد الإعادة : 98.6



## 1 ليش قررت تعيد و تعيش أجواء السادس مرة ثانية ؟

لأن مو هدفي وانا طموحي أعلى وحلم اهلي هم ادخل مجال طبي.

## 2 شنو هي الأسباب الي بسببها عدته للسادس ( الأخطاء ) ؟

عدت السادس بسبب استسلامي بآخر فترة وقت الامتحانات فكرت اعيد كنت ارجع و أشوف الاجوبة النموذجية و احس ممجوبة ف من اول يوم قررت اعيد فكرت تجي 80 بالعربي جت 93 و دفعت الثمن و عدت السنة ف لازم دائماً يكون عدنا امل و ما نستسلم للاخير و ما نشوف اجوبة و غيرها...

## 3 صححتها لهاي الأسباب و الأخطاء لهن عدت ؟

اكيد بلشت من الصفرة رغم اني زينة جنت و وقت الامتحانات ما كررت الأخطاء ما شفت الاجوبة خليتها ع الله و ما استسلمت رغم جنت احس عندي اخطاء!

## 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

لا تعيدن هذا مستواج مستحيل اطلعين أعلى اشكد تعبتي وما جبتي نتيجة واذا تعيدن يخرب واهسج و ما اجيبين أعلى ابددد اي كلام إيجابي ما سمعت تخطيتها ما كنت اسمع لأحد كنت اشجع نفسي بنفسي لنفسي.

## 5 شنو نصيحتك للطالب الي ديعيد أو هو معيد ؟

اول شي تابع شبكة نيوتن و ثاني شي لا تهتم لأحد يگلك ما اطلع معدل و كتب كاملة و هالسوائف لعد القبل اشون طلعو بنتيجة؟! و وقت المراجعة ابتعد عن الكل و اهتم بدراسك اهم فترة + لا تسمع لأحد يگلك ما عندي واهس ما عدادرس لأن هو العكس ع يدرس بس انت تصدك! و يروح واهسك تلقائياً.

## 6 هل تتصح بشبكة نيوتن التعليمية ؟

اكيد انصح و بشدة شبكة نيوتن يعني ما اقدر اوصفها حرفياً لكن خسران الما يتابع شبكة نيوتن.

**الأسم :** نور فراس هاشم

**المعدل قبل الإعادة :** 94

**المعدل بعد الإعادة :** 99.29



## 1 ليش قررت تعيد و تعيش أجواء السادس مرة ثانية ؟

قرار الاعادة جان براسي قبل النتائج يعني جنت اكلول اذا ما جبت المعدل الي اريده راح اعيد + حسيت هذا مو مستوي و هذا مو المعدل الاستحقاق و اقدر اجيب اعلى بالاضافة اني ما انطيت السادس حقه جان لازم ادرس اكثر و انطي جهد اكثر وهاي اهم فقرة لازم تكون متجهز نفسياً حتى تتخذ قرار الاعادة (حرفياً جنت متحمسة للاعادة حتى ادرس اكثر من قبل).

## 2 شنو هي الأسباب الي بسببها عدته للسادس ( الأخطاء ) ؟

اول خطأ : جان قرار الاعادة موجود براسي و هل شي يخليني اتهاون بالدرس نوعاً ما.  
ثاني خطأ : التلفون ما عرفت استغله بالشكل الصح و ضاع كثير وكت مني بسببه.  
ثالث خطأ : ما اعتمدت على الكتاب انما الملازم فقط جان لازم على الاقل اطلع على الموضوع بالكتاب بعدين ادرس الملزمة.

الخطأ الرابع : بعض المواد ما قرئت الوزاريات بكشل كافي.  
++ بالاضافة لكثير أخطاء خلال فترة المراجعة من ضمنهم كان ببالي كل ما تكثر عدد المراجعات كل ما راح اسيطر و طبعا هل شي خطأ مراجعة وحلة بشكل مركز و مضبوط افضل من 10 مراجعات.



### 3 صححتها لهاي الأسباب و الأخطاء لمن عدت ؟

طبعا كتبت كل اخطائي بورقة و قلم و صححتهم و لازم كل طالب قرر الاعداد يسوي هاي الفقرة حتى يعرف الاشياء الي لازم يغيرها و سبب الاعداد الاساسي مو فقط اعيد و خلاص.

### 4 شنو الكلام السلبي الي سمعتو لمن قررت تعيد أو لأنك معيد ؟ و شلون تخطيتو ؟

احح كلشي هواي حرفياً كل الناس اتدخلت و انطت رأيها مثلاً ما تطلعين معدل و هذا مستواج والظروف صعبة الخ ... صراحة أثربيه كلامهم وجانت فترة صعبة لحد ما وصلت لمرحلة (اخذهم على كد عقلهم واسوي الي براسي 😊).

### 5 شنو نصيحتك للطلاب الي جيعيد أو هو معيد ؟

نصيحتي تابع قناة نيوتن و تطبق كلام سالم بالحرف ... لازم تبذل جهد اعلى و لا تفكر انك مسيطر على المواد و تهمل التحضير اليومي (الي يشد حزام بالسنة الاولى يشد حزامين بالسنة الثانية 😊) ... نصيحتي الاخيرة لا تخاف من الاعداد اذا يدفك تدرس اكثر و تقدم اكثر فخلي يستمر هذا الخوف أما اذا عكس فسأل نفسك الي عادو و نجحوا ووصلوا بشنو احسن منك ؟

### 6 هل تتصح بشبكة نيوتن التعليمية ؟

اني انصحك تحذف كل القنوات و تبقي فقط نيوتن ♥ سالم سيكون وياكم بكل خطوة و يشجعكم مثل اهلكم و اكثر ... اضافة للبوت الي ما اسغنيت عنة خلال السنة يعني ( دعم مادي ومعنوي ماكو اكثر من هيج 😊 ) .

**KEEP  
FIGHTING**

الاسم : هاجر حسين

المعدل قبل الإعادة : 94

المعدل بعد الإعادة : 98.6



## 1 ليش قررت تعيد و تعيش أجواء السادس مرة ثانية ؟

لان بالسنة الاولى كنت حيل مقصرة و اعرف نفسي اقدر اجيب نتيجة اعلى و مستواي اعلى من الي طلعتي.

## 2 شنو هي الأسباب الي بسببها عدته للسادس ( الأخطاء ) ؟

التسخير و تضييع الوقت و كنت دائما اكلول بعد وقت كومة عندي و اصلا المواد بيها تقليصات اقدر الحك حتى لو شهر او شهرين و هذا سبب الي ضغط كلش كبير و نفسياتي تعبت لان قرئت مستعجلة و ما ملحكة عالمواد و خطأني الثاني كان انو المواد الي احبها اقرها عادي و حتى اكثر من مرة و المواد الي ما احبها هملتها و صرت اشوفها صعبة مع انو هي مو كلش صعبة بس اني كنت مقتنعة انها صعبة و هذا الي خلاني اشوفها صعبة والخطأ الاكبر الي خلاني اعيد هو سمعت كلام اهلي من نص صف الخامس تقريبا قبل ما يجي قرار العبور يكتولون ترا من هسه اذا ما طلعتي معدل تعيدن هي سنة و اهم شي مستقبلي واني طبعا ظلت بمخي هي سنة حتى اذا عدت و شنو اهم شي المستقبل ومن هذا الوقت صرت اسخت لان اكو مقابلي موضوع الاعادة.

## 3 صححتها لهاي الأسباب و الأخطاء لهن عدت ؟

الصراحة ما صححت اخطائي من بداية السنة بس بعد نص السنة بديت اصحح و ان تصل متأخراً خيراً من ان لا تصل بس طبعا ما انصح اي احد يسوي مثلي لان وقت المراجعة اني انتهيت من التعب لان ما قرئت زين من بداية السنة و سخت و الوقت الي يروح ما يرجع حتى من عدت تمنيت لو من اول سنة قرئت و طلعت كان اقدر اطلع من الاول بس اخطائي خلتنني اعيد.

## 4 شنو الكلام السلبي الي سمعتو لهن قررت تعيد أو لأنك تعيد ؟ و شلون تخطيتو ؟

من عدت دخلت اهلية و اني ما كان بمحيطك احد غير اهلي شوية حجو بالبداية بس بعدين تقبلو واني ما كنت اهتم بكلام السلبي لان اعرف نفسي لو ما الاخطاء ما كان عدت.



## 5 شنو نصيحتك للطالب الي ديعيد أو هو معيد ؟

تابع سالم وطبق كل نصايحه لا بس تسمع من هين وتطلع من هين اذا ما تصحح أخطأك ما تجيب نتيجة مرضية و اهم شي تتعب حتى اذا ما اجت النتيجة الي تريدها عاقل انت رضيت نفسك و ضميرك و سويت الي عليك و لا تسمع كلام احد لأن هذا قرارك انت و مستقبلك و انت الي راح تعيشه لازم يكون مثل ما انت تريد او مثل ما الله كاتبلك مو حسب رغبة الاهل.

## 6 هل تتصح بشبكة نيوتن التعليمية ؟

مليون بالمية انصح حرفيا ما راح تحتاج قنوات بالتلي غيرها هي و بوت نيوتن بس اذا تريد تستفاد اكبر استفادة طبق الي تسمعه ما بس تسمع ترضي مخك و تكعد تسخت لان بالامتحان باجر انت تاكلها و تندم.

الأسم : علي حويد عدنان

السنة الأولى ما أمتحت

السنة الثانية أمتحت مادتين

السنة الثالثة : 86



## 1 ليش قررت تعيد و تعيش أجواء السادس مرة ثانية ؟

أول سنتين ما كدرت أنجح.

## 2 شنو هي الأسباب الي بسببها عدته للسادس ( الأخطاء ) ؟

الاهمال + ما عندي اعتماد ع اليوتيوب اول سنتين.

## 3 صححتها لهاي الأسباب و الأخطاء لهن عدت ؟

أكيد.

## 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

اغلب الكلام انو اني فشلت بالدراسة او بعد ما انجح بمعدل زين وطنشت هل كلام السلبي بكل بساطة.

5 **شنو نصيحتك للطالب الي ديعيد أو هو معيد ؟**  
اهم شي انك تعيد لسبب مقنع او لتحقيق طموحك.

6 **هل تتصح بشبكة نيوتن التعليمية ؟**  
اكيد اكيد اكيد انصح.

**الأسم : عادل محمد عادل**

**المعدل قبل الإعادة : 90**

**المعدل بعد الإعادة : 97.2**



1 **ليش قررت تعيد و تعيش أجواء السادس مرة ثانية ؟**

استحفيت تعب اهلي وياي سنة كاملة و ما طلعت بنتيجة تفرحهم ولا جبت الي جنت أريده ف قررت اعيد.

2 **شنو هي الأسباب الي بسببها عدته للسادس ( الأخطاء ) ؟**

التهيت كثير بل طلعات و سوائف المبايل المفروض كان اطلع بأنصاف.

3 **صححتها لهاي الأسباب و الأخطاء لهن عدت ؟**

اي صححتها و عدلت طلعاتي كمت اطلع بس من امل من الدرس او اخلي بالي مادة اخلصها او اخلص نصها واطلع هيج يعني اطلع وبالي مرتاح مرتب وضعي.

4 **شنو الكلام السلبي الي سمعته لهن قررت تعيد أو لأنك معيد ؟ و شلون تخطيتو ؟**

الاجلبية جانت تكول لاتعيد هواي عادو ونزلو معدلاتهم وتضيع سنة كاملة من عمرك مايحتاج تعيد ارضى بمعدلك و من هذا الحجي بس اني ماهتميت حجيهم يفوت من اذني اليمين يطلع من اليسار جنت قفال عل إعادة و عدت و الحمدلله رفعت النتيجة و طبعا هم ما خلصت من هاي الناس هم كالوا انت معيد و مدري شنو يعني ((طنش تعش)) احسن شي 🍷❤ علساس اني رسبت مو عدت برضاتي.



## 5 شنو نصيحتك للطالب الي ديعيد أو هو معيد ؟

نصيحتي للي راح يعيد للسنة ابد لا تستسلم خلي هدفك كدامك و تعب اهلك و فرحتهم لمن تطلع معدل عالي و ربي ما تنوصف راح تهون عليك تعب هاي السنين كلها و لا تسمع كلام الناس السلبية المتشائمة دائما تفائل بل خير و خلي طموحك عالي و تحصل الي تريدو بس كون تصلح أخطائك مال اول سنة و تتركها. بس ما أكلك الزم كتبك من بداية السنة لي نهايتها بس درس لا ادرس و رتب وضعك و لا تأجل دروسك و روح اطلع من تضوج و نفس الوقت ما تكثر طلعات ... و بالنسبة للمعيد شد حيلك و نفس الحجي هم خلي طموحك كدامك و فرحة اهلك بيك من تطلع معدل عالي و لا تكول اني اعرفها للمادة كلها و تأجل دروسك لا كلشي لازم ينعاد و تراجعو و الأخطاء الي جنت تدرسها او بملازمك و درسك لازم تعدلها و تجمع الاسئلة الصحيحة و تكثر درسك عن اول سنة يعني اذا عفت مواضيع هاي السنة لا تعوف و لا كلمة ادرس من الجلد للجلد و تبادل معلومات ويا زملائك التفيدك سجلها راسا المتفيدك ذبها ... و بالتوفيق للجميع يارب ♥♥.

## 6 هل تتصح بشبكة نيوتن التعليمية ؟

و ربي احسن قناة هي شبكة نيوتن ياخي اي شي يحتاجو الطالب من بداية السادس لي نهايتو تلكي و من تخلص هم ينصحك بل جامعة استاذ سالم انت ماكو منك الله شاهد الكلام الي يكوئو يريح الطلاب كلها اني متأكد مو بس اني كل طالب سادس من كان يسمع البصمات او الكلام مالتك كان يرتاح و يرجعلو الأمل اذا هو أيس، هاي من ناحية التحفيز و هاي ... غير عن الملازم الموجودة بل بوت و كلشي يفيد الطالب ينزلو و يبتعد عن كلشي يضر الطالب او يشوشو وذا معلومة او حدث صار مامتأكد منو ماينزل عكس باقي القنوات انصح كل طالب سادس بيها جدا جدا ♥ قناة راقية واستاذها عسل ☺ تحياتي ♥ .

NEVER  
GIVE UP

الاسم : ريهاس علي إبراهيم

المعدل قبل الإعادة : 89

المعدل بعد الإعادة : 95.29



### 1 ليش قررت تعيد و تعيش أجواء السادس مرة ثانية ؟

لأن بصراحة كلش تعبت اول سنة و حلمي أكبر من انواتنازل عنه بكل هالبساطة و تعبتي يستحق اكثر ف قررت اعيد من دون تفكير مهما كانت الظروف.

### 2 شنو هي الأسباب الي بسببها عدته للسادس ( الأخطاء ) ؟

- ١- جنت هواية اسمع للاشاعات و أوتر نفسي بدون سبب.
- ٢- جنت ادرس بجهد اكثر مما ادرس بذكاء اسهر و اتعب هواية بدون ريست.
- ٣- جنت دائما افكر بكلام الناس يلي تخوفني وتكولي مراح توصلين.
- ٤- دخلت بمدرسة اهلية مع انو ما اعتمدت عليها بشي و فترة دوامي كلش قليلة و تركتها.

### 3 صححتها لهاي الأسباب و الأخطاء لهن عدت ؟

اغلب الاخطاء صححتها ايقنت انو محد يعلم الغيب غير ربي ف مو مهم كلام اي شخص و بالذات اول سنة طلعت معدل كالوا مراح توصلي، اذا تصير اي مشاكل ما اخليها تأثر على دراستي عادي ادرس، التحضير اليومي مهم و كلش يساعدنا و بالذات بفترة المراجعة، و اهم شي الجداول و الاوراق يلي اعرف عن طريقها شنو خلصت و اذا اني دا ادرس صح او لا.

### 4 شنو الكلام السلبي الي سمعته لهن قررت تعيد أو لأنك معيد ؟ و شلون تخطيتو ؟

بصراحة كانت كل الظروف يلي مررت بيها من امراض و من ضغط و تعب بجهة و هالكلام بجهة و بالذات من الاقارب، اول سنة كالوا مراح توصلين معدل 70 و كالوا روحي فنون عود يستهزون و هسه تشوفين مراح توصلين و اشكال الكلام علما انو اني مداخله اي محاضرة معتمدة عاليوتوب جنت ابجي ومن طلع معدلي 89 انصدموا و كالوا اي ساعدوها بالتصحيح و بس قررت اعيد زادوا و صاروا يكتولون اي حتى تطلعين هسه 80 و حلفوا انو ما اطلع بس صرت ما اهتم الحمد لله ع كل حال طلع 95.29 و محد كاني مبروك حتى وهسه ديكتولون مراح تنقبلين حتى معهد ادعولي انقبل بالمنحة طب و أعوض أهلي .

## 5 شنو نصيحتك للطالب الي ديعيد أو هو معيد ؟

يلي يعيد هو بطل وشجاع لانو هالقرار مراح يتخذه الا شخص فعلا كدها و شخص فاهم لانو السنة تخلص و تتعوض بس اذا قبلت بشي ميشبهك راح تظل طول عمرك بي و طول عمرك تكرهه و لتسمعون لاي شخص يحبطكم لانو هو فاشل لانو الناجح راح يشوف هالشي عادي و يستحق ♥.

## 6 هل تنصح بشبكة نيوتن التعليمية ؟

طبعاً و بشدة أحذفوا كل شي إلا أساتذتكم الموثوقين و شبكة نيوتن و كل فويز من سالم ال منصور طبقوا من دون نقاش.

الأسم : شيهاء علي خليف

المعدل قبل الإعادة : 96

المعدل بعد الإعادة : 99.5



## 1 ليش قررت تعيد و تعيش أجواء السادس مرة ثانية ؟

قررت اعيد لسببين اولاً أعرف مستواي أعلى من 96 أعرف لو لا الخطاء يلي سويتها جان اعلى احصل و ثانياً من اجل حلمي لأن أعرف إذا رحت غير اختصاص مراح ارتاح و راح اعيش بندم لأن فقدت حلمي طفوتي فكلت اتعب سنه ولا اتعب طول العمر و عدت.

## 2 شنو هي الأسباب الي بسببها عدته للسادس ( الأخطاء ) ؟

اهم الاسباب يلي خلتنى اعيد السادس هي فكرت الاعادة اول ما دخلت سادس فكرت اعيد لان واجهت صعوبة بالبداية و هالشي طبيعي لكن للأسف فكرة الاعادة بقت ملازمتني و اثرت كلش سلبي و بسبب هالفكره ترتبت عليها هواي اسباب ثانية و منها عدم الالتزام بالتحضير اليومي و الامتحانات ديروا بالكم ما تلتزمون لأن راح تعبون بوقت مراجعة كلش هواي و من اسباب الاعادة عدم الثقة بالنفس دخلت سادس بخوف وكأنه داخله نار جهنم ☹️ من هجمة الاعلامية يلي متعرضها السادس للأسف بينما بالواقع كلش حباب و كباقي المراحل الدراسية السابقة و يمكن أسهل بعد حسب وجهة نظري.







## المعدل بعد الإعادة : 97.6

## 1

2

3

4

16 إعداد سالم آل منصور

## 5 شنو نصيحتك للطالب الي ديعيد أو هو معيد ؟

اهم شي يراجع نفسه و يشوف شنو أخطائه بالسنة السابقة و يصلحهن و ميهتم تكلام الناس السلبيين و يترك كل الملهمات.

## 6 هل تتصح بشبكة نيوتن التعليمية ؟

أكييييييييييد اصلا من بعد فضل الله شبكة نيوتن هوالاااي ساعدتني و خصوصاً البوت أصلاً أكو اخطاء ما جنت حاسة على نفسي نبهنا عليها سالم و فعلاً ألتزمت بنصائحه و تغير مستواي الدراسي 180 درجة ... شكرا ما أحجي بحق شبكة نيوتن قليل كلش شكراً ربي يجعلها بميزان حسناتك و يوفقك يارب .

الأسم : عمر مشتاق نجيب

المعدل قبل الإعادة : 90.4

المعدل بعد الإعادة : 99.3



## 1 ليش قررت تعيد و تعيش أجواء السادس مرة ثانية ؟

لان كان حلمي ادخل اما كلية طب أو كلية صيدنة.

## 2 شنو هي الأسباب الي بسببها عدته للسادس ( الأخطاء ) ؟

أول خطأ ما جنت مرتب جدولي بالقراءة.  
ثاني خطأ ما جنت اقرأ زين باليومي خاصة الفيزياء و الرياضيات.  
و ثالث خطأ ما جنت اقرأ أسئلة وزارية هواية.

## 3 صححتها لهاي الأسباب و الأخطاء لهن عدت ؟

أي الحمد لله صححتها.

## 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

هواي كلام سلبي سمعنا من ردنا نعيد و أكثر شي من الأقارب، يعني أكثر شي جانوا يكتولون ما راح اطلعون معدل و لو بيكم خير جان طلعتوا من السنة الأولى و هييج اشياء، بس اني جنت من اسمع هذا الكلام من عدهم اضحك كدامهم لكن بداخلي اتحفز أكثر للقراءة، تخطيتها اول شي ثقتي برب العالمين و من ثم كان والدي والدتي يشجعوني حيل ... بالإضافة إلى اني كان عندي طموح و لازم اصلة بغض النظر عن أي كلام.



## 5 شنو نصيحتك للطالب الي ديعيد أو هو معيد ؟

اول شي لازم تصحح أخطائك الي وكعت بيها بالسنة الأولى و تتعلم منها.  
و ثاني شي لا تهتم لكلام الناس مهما كانوا كالثق انو مراح تجيب معدل أو ما بيك خير أو أي شي  
ثاني، و لازم لازم تكون عندك ثقة عالية برب العالمين و من ثم بنفسك و قدراتك و ما كو أي  
شي مستحيل.

## 6 هل تتصح بشبكة نيوتن التعليمية ؟

طبعاً اكيد حيل مهمة بالإضافة الى انو اي شي الطالب ما يفهمه عنده اليوتيوب كلشي بيه  
حتى ما يحتاج للدورات الخصوصي، يعني اعرف طلاب قبلي قروا بس ع اليوتيوب بدون  
دورات خصوصي و جابوا معدلات طيبة.

الأسم : نور الهدى علي حيدر

المعدل قبل الإعادة : 92.8

المعدل بعد الإعادة : 98.57



## 1 ليش قررت تعيد و تعيش أجواء السادس مرة ثانية ؟

لان محققت المعدل الي اريده و اني متأكدة اقدر اطلع معدل اعلى.

## 2 شنو هي الأسباب الي بسببها عدته للسادس ( الأخطاء ) ؟

اولاً / عدم الثقة ابدأ مجنت واثقة بنفسي انو اني اقدر اطلع معدل عالي لان مجنت داخله  
خصوصي فعبالي الي ميدخل خصوصي ميطلع معدل.  
ثانياً / الاسئلة الوزارية مجنت مطلعة عليها من بداية الدوام بلشت اقراها بالمراجعة الوزارية و  
أخذت وكت هواية مني و تندمت كلش انو مقريتها من بداية السنة لان اغلبها هي متكررة.

## 3 صححتها لهاي الأسباب و الأخطاء لهن عدت ؟

اي الحمدلله كمت اقرا بذكاء و تركيز و عندي ثقة عالية بالله و بنفسي انو راح احقق المعدل  
الي اريده و جان عندي إرادة كبيرة و إصرار و صححت كل اخطائي كمت اقرا ويا اليومي  
و الامتحان الشهري اسئلة وزارية الخاصة بالموضوع الي كاعادة ادرسه و تركت كل القنوات  
التلي ظليت متابعة بس شبكة نيوتن و التزمت بكل حرف كانه سالم .

## 4

مستحيل هطلعين المعدل الي طلعتي العام واكيد راح يقل ، حرامات ليش مرحتي اهلي ...  
مهميت بكلامهم السلبي لان هذا قراري و اني قررت اعيد و لازم اتحمل نتائج هذا القرار و  
الناس دائما تحب تهبط المعنويات و تبث الطاقة سلبية و الكلام سلبي .

## 5

نصيحتي لتفكر انك معيد أتصرف و ادرس وشارك بالدرس وامتحان مثل الطالب الي اول سنة  
سادس بس صحح أخطائك هم و دائما خلي ثقتك بالله وبنفسك كبيرة و لتخلي اي إنسان مهما  
كان يحاول يقلل من قيمتك و من شغفك و ارادتك و من حلمك الي تريد توصله اترك كلام  
الناس لان لا يقدم و لا يأخر و الكلام يبقى كلام لا تتأثر بأي شي و لتقارنون نفسك بأي شخص و  
لتباوعون على اصدقائكم الي طلعوأ أعلى من عندكم لان ميصير نقارن موسم الزراعة مالتنا ويا  
موسم حصاد غيرنا.

## 6

طبعاً!!!! وكل شئ انصح بيها و انصح كل طالب يريد يطلع معدل عالي لازم يلتزمون بكل حرف يكوله سالم اني شخصيا تابعت هواية قنوات بالسنة الأولى و تندمت كلش انو عرفت الشبكة متأخر لان اكتشفت انو هي القناة الوحيدة الي تريد مصلحة طالب السادس و البقية كلها مجرد ادور طشة و إعلانات و مشاكل.

**الأسم :** فاطمة حيدر

## المعدل قبل الإعادة : 57

## 85.8 : العهد بعد الإعادة



## 1

بسبب معدلي لان قليل وما كو شي يقبلني اضافة لهذا ردت اعوض نفسي و اهلي و افرحهم بمعدل أعلى.

## 2

الاسباب ما چنت أقره و أسخت طول الوقت و ما اهتم للدراسة هواي ، و من صحى ضميري صدف صارت ظروف و تمرضت و ما طلعت معدل.

### 3 صححتها لهاي الأسباب و الأخطاء لمن عدت ؟

اي طبعاً صححتها و غيرت هواي اشيء بيه يلا گذرت احسن مستوايه الدراسي.

### 4 شنو الكلام السلبي الي سمعته لمن قررت تعيد أو لأنك معيد ؟ و شلون تخطيتو ؟

هواي اشيء سمعت (ماتگدرين ، صعب ، راح تملين ، محد عاد السنه و طلع اعلى، و الله الچ واهس، ما تعبتني؟ ) و غيرها هواي سمعت بس تخطيتها بالصبر تركت كلامهم و ما اهتميت بي و خليت تركيزي على دراستي حتى اثبت الهم اني اگذر.

### 5 شنو نصيحتك للطالب الي ديعيد أو هو معيد ؟

الي يريد يعيد لازم يقرر من البداية انو يذب حيله و يغير روتين السنة الاولى و ينظم نفسه لان اذا ما بقى نفس ما چان بالسنة الاولى ف ما اعتقد يستفاد من الاعداد.

### 6 هل تتصح بشبكة نيوتن التعليمية ؟

اي طبعاً ، راح تفيده هواي من ناحية تنظيم مواد الدراسة و من تحفيز اني استفاديت منها هواي خصوصاً بفترة المراجعة .

الأسم : تبارك علي صباح

المعدل قبل الإعادة : 72

المعدل بعد الإعادة : 97



### 1 ليش قررت تعيد و تعيش أجواء السادس مرة ثانية ؟

الجهد او التعب الي قدمته مكان كافي و لو ما عدت كنت راح الوم نفسي و اندم و ما اتخطى الموضوع ، الهدف والطموح الي اريده يستاهل اعيد.

### 2 شنو هي الأسباب الي بسببها عدته للسادس ( الأخطاء ) ؟

اختاريت الاساتذة خطأ ، غيرت مصادرني بفترة المراجعة ، ما درست بصورة صحيحة و ما ابتعدت عن الفون و السوشال ميديا.

### 3 صححتها لهاي الأسباب و الأخطاء لمن عدت ؟

اي اشتغلت عليها وصحتها والفضل لشبكة نيوتن.



#### 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

( و اذا عدتي شنو راح تجيبين ، متطلعين معدل ، تتعب نفسيك و متدبريها ، هو هذا مستواج ، قابل شتصيرين و زيرة ... ) اتخطيت ، سديت اذني عن كل الكلام ركزت على دراستي ، طموحي و هدفي "اتأثرت لفترة" بس الحمد لله كنت كدها و اتخطيت.

#### 5 شنو نصيحتك للطالب الي ديعيد أو هو معيد ؟

انت الي تحدد مستقبلك و مصيرك و اهم شي رضا نفسك ، اترك كلام الناس لتخلي يآثر عليك و خلي هدفك امام عينك حتوصل الي تريده.

#### 6 هل تتصح بشبكة نيوتن التعليمية ؟

انصح ، و ياريت يلتزمون بالنصائح من البداية و يبتعدون عن كل المشتتات ، اتمنالهم التوفيق.

الاسم : زينب

المعدل قبل الإعادة : 67

المعدل بعد الإعادة : 90.30



#### 1 ليش قررت تعيد و تعيش أجواء السادس مرة ثانية ؟

حلمي و مستقبلي.

#### 2 شنو هي الأسباب الي بسببها عدته للسادس ( الأخطاء ) ؟

عدم التركيز و طريقة الدراسة خطأ.

#### 3 صححتها لهاي الأسباب و الأخطاء لهن عدت ؟

أكيد الحمد لله.

#### 4 شنو الكلام السلبي الي سمعتو لهن قررت تعيد أو لأنك معيد ؟ و شلون تخطيتو ؟

ما طلعتي المعدل الي ترديه بالسنة الأولى تطلعي بالسنة الثانية ؟! أكثر كلام جنت اسمعه تخطيتها بتجاهل الكلام كانوا ما اسمعهم و ركزت على دراستي و انو ما كو شي مستحيل و ان عدت شي طبيعي اهم شي اطلع الشي الي اريده.

## 5 شنو نصيحتك للطالب الي ديعيد أو هو معيد ؟

حلمك يستاهل ... لتهتم للكلام السلبي ، ثقتك بنفسك اهم شي لتخلي شي يآثر عليك و لتعيد الأخطاء الي صارت وياك بالسنة الأولى.

## 6 هل تتصح بشبكة نيوتن التعليمية ؟

أكيد.

وياكم خريجة السنة 2022 و الحمد لله

2019 بشهر 7 استلمت نتيجة السادس اول سنة وجان معدلي 67 كلش ضجت

2022 بشهر 7 استلمت نتيجة المرحلة الثانية للتخرج وكلش فرحت

ماكو شي مستحيل 😊 .

الأسم : فاطمة سامي علي

المعدل قبل الإعادة : 70

المعدل بعد الإعادة : 90



## 1 ليش قررت تعيد و تعيش أجواء السادس مرة ثانية ؟

معدلي ما يأهلني ادخل كلية حكومية مستقبلية مضمون.

## 2 شنو هي الأسباب الي بسببها عدته للسادس ( الأخطاء ) ؟

بصراحة السنة الأولى ما تعبت نفسي بدراسة ابد و ما حسيت بأجواء السادس بقيت اسخت قبل الامتحان باسبوعين فتحت كتب و قرئت و اكو مواد بليلة الامتحان فتحت و قرئته.

## 3 صححتها لهاي الأسباب و الأخطاء لهن عدت ؟

الحمد لله صححته و حسيت بنفسي طابئة و تعبت و سهرت و تركت أشياء هواي جنت مخلصه وقتي بيها.

## 4 شنو الكلام السلبي الي سمعته لهن قررت تعيد أو لأنك معيد ؟

اوه هواي حجي سمعت حتى من جنت أأجل ماده اسمع اعتراض من الجميع بس ما اهتميت للكلام السلبي لأن هذا مستقبلي بنهاية و كلت لهم اذا ماتردون اعيد دخلوني كلية أهلية.


### 5 شنو نصيحتك للطالب الي ديعيد أو هو معيد ؟

أحب اگوله ما زال انت مقتنع بالشي الذي دسويه ما يهملك احد بالنهاية هذا مستقبلك و انت راح تواجهه بنفسك محد يبقى وياك للنهاية ما دام انت قررت تعيد اتحمل و اتجاهل اي شي تسمعه، انت مو اخر و ولا اول واحد يعيد سنة.

### 6 هل تتصح بشبكة نيوتن التعليمية ؟

والله العظيم جداً انصح بيها بعيدا عن اريد امدحه بس السنة الأولى ما جنت اعرفها السنة يله عرفته و درست الأحياء على محاضرات اليوتيوب أستاذ سالم ال منصور و انطبعت المادة بذهني بحيث بوقت الامتحان من اقرا السؤال اتذكر المحاضرة و الصور و الفيديوهات التي تشرح عنهن و ما نسيتهن الحمد لله و كنت دائما كل مايجي موضوع ابالي ادخل للقناة صدفة الكاك ناشر عنه و متطرق اليه و اتبعت نصائحك و تعليماتك و رزايلك اول بأول و بالأخير جابت نتيجة.

GOOD  
LUCK



إمسح رمز QR للتحول إلى القناة